

Geassemánu: Mihcamárbeaivi – Jonssotbeaivi & Suoma leavvga beaivi

Almmolaš ja gaskaurohpálaš gaskageasi feasta, mas sáhtá leavvga doallat iešguhtege riikkas mihcamárbeaivvi mielde. Mihcamárbeaivvi leat gohčodan dolin maiddá giisáfeastan ja Ádjá feastan. Suopmelaš namahus mittumaari bohtá ruotagiela sánis midsommar, gaskageassi. Sáni jonssotbeaivi bohtá fas Johannes Gásttašeddji namas. Mihcamárbeaivve dahjege Jonssotbeaivve áigge olbmot leat diiddastallan. Sii lea háliidan sihkkarastit omd. buorre šaddolišku ja náittoslišku. Dán áigge mihcamárbeaivve árbevieruide gullet sávdni, leavvga rohhten stággui, mihcamárbeaivisoagit ja mihcamárbeaivvidolla. Suoma ruotagielat guovlluin olbmot lávejit hervet mihcamárbeaivvistákku rásiiguin ja goargnušattuiguin. Anáraččain lea jagi 1940 rájes leamaš vuohkin doallat jonssotbeaivve ipmilbálvalusa Bielbajávri boares meahcegirku. Mihcamárbeaivi lea maiddá Suoma leavvga beaivi. Suoma leavvga váldui atnui jagi 1918. Dan leaba hutkan Eero Snellman ja Bruno Tuukkanen. Soai plániiba Suoma leavvagas dakkára, mas lea vilges alit ruossa. Suomas lea guhitta virggálaš leavvabeaivve, goas stáhta doaimmahagain ja lágádusain lea geatnegasvuohhta leavvga doallat:

guovvamánu 28. beaivi	Kalevala beaivi
miessemánu 1. beaivi	Válborbeaivi
miessemánu 2. sotnabeaivi	Etniidbeaivi
geassemánu 4. beaivi	Bealuštanfámuid leavvgaávvudanbeaivi
geassemánu	mihcamárbeaivi ja Suoma leavvga beaivi
juovlamánu 6. beaivi	Suoma iehčanasvuodabeaivi

Oza lassediedu Johannes Gásttašeddjis. Gii son lei? Oza su gova nehtas dahje girjjiin.
Oza gova mihcamárbeaivvistákkus. Makkár dat lea? Leatgo goassige ovdal oaidnán dakkára?
Mo du bearaš láve ávvudit mihcamárbeaivve?
Oza kaleandaris, ahte makkár eará beivviin Suomas leavvga dollet stákkus virggálaš leavvabeivviid lassin.